

**XUNTA DE GALICIA**CONSELLERÍA DE TRABALLO
E BENESTARSecretaría Xeral de Familia e Benestar
D.X. da Dependencia e Autonomía PersoalEdificio Administrativo San Caetano
15781 SANTIAGO DE COMPOSTELA
Teléfono 981 54 54 00XACOBEO 2010
Galicia

CONTRATO DE XESTIÓN DE SERVIZO PÚBLICO, PARA A "RESERVA E OCUPACIÓN DE PRAZAS EN CENTRO OCUPACIONAL PARA PERSOAS CON DISCAPACIDADE NA ÁREA RURAL 12 DE A CORUÑA DO MAPA GALEGO DE SERVIZOS SOCIAIS.

Expediente de contratación PA 67/09. Lote: 11

En Santiago de Compostela, a 1 de decembro de 2009

REUNIDOS

Dunha parte, D^a Cristina Ortiz Dorda, en calidade de Secretaría Xeral, actuando en nome e representación da Consellería de Traballo e Benestar, en virtude das competencias que lle confire o artigo 1-d) da Orde do 19 de agosto de 2009 sobre delegacións de competencias nos órganos superiores e nos xefes/as dos departamentos territoriais da Consellería de Traballo e Benestar,

Doutra parte, D^a Florinda Jar Varela con DNI 14915022-M actuando en nome e representación da entidade ASOCIACIÓN DE NAIS E PAIS DE PERSONAS CON DISCAPACIDADE INTELLECTUAL DA COMARCA DO SAR (AMIPA) co CIF nº G15611536 bastantado polo Letrado/a da Xunta de Galicia D^a Lorena Otero López do día 15 de outubro de 2009

Ambalas partes recoñécense competencias e capacidade, respectivamente, para formalizar o presente contrato de xestión de servizo público e outórgano con base aos seguintes:

ANTECEDENTES ADMINISTRATIVOS

Primeiro.- Por resolución do órgano de contratación de data 20 de xullo de 2009 acordouse convocar a contratación da xestión do servizo público, mediante a modalidade de concerto e



polo procedemento aberto -tramitación urxente, do expediente por lotes para a reserva e ocupación de prazas en centro ocupacional para persoas con discapacidade.

Segundo.- A autorización do gasto e a súa fiscalización foron efectuadas polos órganos competentes con data 5/10/2009 , por un importe de 898.378,00 € (anualidade 2009), e 5.390.268,00 €(anualidade 2010)

Terceiro O órgano de contratación resolve a adxudicación provisional e a definitiva do LOTE nº 11 con data 13 e 30 de novembro respectivamente, á entidade AMIPA por un importe de 8.020,00€ correspondente á anualidade 2009 e 96.240,00€ correspondente á anualidade 2010.

En virtude do anterior esténdese o seguinte contrato con base ás seguintes cláusulas

CLÁUSULAS

Primeira: O contratista comprométese á reserva e ocupación das seguintes prazas:

LOTE	11
PROVINCIA	A Coruña
AREA (Concellos)	Area RURAL 12 (Dodro, Padrón, Rois)
Tipoloxía de centro	centro ocupacional
Nº de prazas a concertar:	
Internado 365 días: Residencia aberta todo o ano.	
Internado 335 días: Residencia que pecha o mes de vacacións.	
Internado 261 días: Residencia que pecha os fins de semán.	
Internado 230 días: Residencia que pecha o mes de vacacións e os fins de semán.	
ES/ET: Prazas de emerxencia social ou estadía temporal. Réxime das prazas:	
MP (220 días): Prazas de centro ocupacional en réxime de media pensión. Período de funcionamento de 220 días ao ano.	20
MP (240 días): Prazas de centro ocupacional/centro de día en réxime de media pensión. Período de funcionamento de 240 días ao ano.	
RF: Prazas de respiro familiar. Esta tipoloxía de prazas utilízanse durante os fins de semán, estimándose unha ocupación de 8 días do 1/12 ao 31/12 de 2009 e de 104 días no ano 2010.	
Destinatarios	Discapacidade intelectual
Necesidades de apoio	/)Límite e intermitente



**XUNTA DE GALICIA**CONSELLERÍA DE TRABALLO
E BENESTARSecretaría Xeral de Familia e Benestar
D.X. da Dependencia e Autonomía PersoalEdificio Administrativo San Caetano
15781 SANTIAGO DE COMPOSTELA
Teléfono 981 54 54 00XACOBEO 2010
Galicia

O contratista comprométese á execución do contrato con estrita suxeición ó Prego de Cláusulas Administrativas Particulares e o de Prescricións Técnicas que rexen para o mesmo, documentos contractuais que coñece e acepta plenamente, deixando constancia neste acto da súa conformidade con cada un deles coa sinatura do presente contrato. Así mesmo, adxúntase ao contrato os anexos VI e VIII presentados polo licitador na súa oferta.

Segunda: O prezo praza/més a aboar pola Administración establécese en:

Réxime da praza	Prezo unitario praza/mes	Prezo praza/mes a aboar pola Administración
MEDIA PENSIÓN (220 DIAS)	518,72€	401,00€

Este prezo ten carácter global polo que inclúe tódolos factores de valoración e tributos ou impostos que se reportan por razón do contrato.

Os compromisos económicos derivados da presente contratación financiaranse con cargo á aplicación orzamentaria: 48.06.311A.228, dos Orzamentos xerais da Comunidade Autónoma de Galicia para o ano 2009.

A liquidación e facturación de estancias e a participación económica dos usuarios realizarase de acordo co previsto nas cláusulas 9.5, 9.6 e 9.7 do Prego de Cláusulas Administrativas Particulares que rexe esta contratación.


Terceira: O presente contrato ten unha duración que abrangue desde o día 1 de decembro de 2009 ata o día 31/12/2010, sendo prorrogable expresamente por mutuo acordo das partes, e sucesivamente por anos naturais ata o máximo legalmente admitido, segundo o previsto no artigo 254.b da LCSP.

Para que ditas prórrogas sexan efectivas subscribírase acordo expreso das mesmas asinado por ámbalas dúas partes, coa antelación suficiente que permita a súa sinatura antes do fin da vixencia do contrato ou das sucesivas prórrogas de sé lo caso.

Cuarta: De acordo co disposto na cláusula 17 do prego de cláusulas administrativas particulares que rexe o citado contrato, o adxudicatario está exento de constituir a garantía definitiva por tratarse dunha entidade sen ánimo de lucro..

Quinta: Os prezos de contratación, revisaranse unha vez transcorrido o primeiro ano de contrato, segundo as variacións que experimente o IPC galego, nos termos sinalados no artigo 78.3 da Lei de Contratos do Sector Público.

Sexta: Caso de incumprimento do prazo establecido para iniciar a execución do contrato, así como polos incumprimentos das obrigas que poidan producirse na organización ou xestión do servizo ou calquera outra obriga derivada do contrato, o órgano de contratación poderá optar indistintamente:

- 
- a) Por declarar resolto o contrato de acordo co establecido nos artigos 206 agás as súas letras e) e f), e 262 da Lei 30/2007, de 30 de outubro, de contratos do sector público (en adiante LCSP), así como cos termos seguintes:
- A perda sobrevida dos requisitos para contratar coa Administración.
 - O incumprimento das limitacións en materia de subcontratación establecidas no artigo 210 da LCSP.
 - A obstrución ás facultades de dirección e inspección da Administración.
 - O incumprimento da obriga do contratista de gardar sixilo respecto dos datos ou antecedentes que, non sendo públicos ou notorios, estean relacionados co obxecto do contrato e dos que teña coñecemento con ocasión do mesmo, de conformidade co establecido no artigo 112.2 do Regulamento xeral da Lei de contratos das Administracións Públicas (en adiante RGLCAP).

No caso de resolución por incumprimento do contratista, lle será incautada a garantía e deberá ademais, indemnizar á Administración dos danos e prexuízos ocasionados no que excedan do importe da garantía incautada. A determinación dos danos e prexuízos que deba indemnizar o contratista levarase a cabo polo órgano de contratación en decisión motivada e previa audiencia do mesmo.





- b) Os incumprimentos derivados da deficiente organización ou xestión do servizo, poderán penalizarse coas sancións establecidas pola Lei 13/2008, de 13 de decembro, de Servizos Sociais, ou a normativa que a substitúa.

Os importes das penalidades faranse efectivos mediante a dedución das mesmas da facturación que se produza.

Sétima: O presente contrato poderá ser elevado a escritura pública cando o solicite o adxudicatario, sendo á súa costa os gastos derivados do outorgamento.

Oitava: Para o non previsto neste contrato, incluídos os seus anexos e pregos, que forman parte del, estarase ó disposto na Lei 30/2007, de 30 de outubro, de contratos do sector público, agás os artigos 196, apartados 2 a 7, ámbolos dous incluídos, 197, 203 e 205, e polo Real Decreto 817/2009, de 8 de maio, polo que se desenvolve parcialmente a Lei 30/2007. No que non se atope derogado pola citada lei, polo Regulamento Xeral da Lei de contratos das administracións públicas, aprobado polo Real Decreto 1098/2001, de 12 de outubro, e nas demais disposicións complementarias que lle sexan de aplicación; sendo competente a xurisdición contencioso-administrativa para coñecer as cuestións litixiosas derivadas do mesmo.

Novena:

- Protección de datos:

A entidade adxudicataria estará obrigada ao seguimento das normas sobre confidencialidade de datos, declarará documentalmente que se responsabiliza de que o tratamento de datos de carácter persoal que se poida realizar no marco da prestación do servizo se realizará de conformidade coas instrucións da Consellería de Traballo e Benestar e con absoluto respecto das normas de seguridade, de acordo co establecido no Real Decreto 1720/2007, do 21 de decembro, polo que se aproba o Regulamento de desenvolvemento da Lei orgánica 15/1999, de 13 de decembro, de protección de datos de carácter persoal. Será así mesmo de aplicación a Disposición Adicional trixésimo primeira da LCSP.

- Segredo profesional e confidencialidade:



O prestador de servizos será responsable do cumprimento das obrigas de confidencialidade do persoal ao seu servizo e de calquera persoas ou entidades coas que colabore. En cumprimento desta obriga cada un dos traballadores ao servizo do contratista que accedan ós datos persoais dos usuarios incluídos no correspondente ficheiro asinará un acordo de confidencialidade, que o encargado do tratamento (entidade prestadora do servizo) porá a disposición do responsable do ficheiro (Consellería de Traballo e Benestar).

En caso de incumprimento do estipulado, a entidade contratante e os técnicos destacados serán responsables das infraccións que se deriven del.

Décima: O presente contrato ten natureza administrativa, e durante a súa vixencia o órgano de contratación ostentará as prerrogativas de interpreta-lo contrato, resolve-las dúbidas que ofrezca o seu cumprimento, de modifica-la prestación segundo as conveniencias do servizo e acorda-la súa resolución e os efectos desta, dentro dos límites e con suxeición ós requisitos e efectos sinalados na LCSP. Estas facultades enténdese sen prexuízo da audiencia do adxudicatario e das responsabilidades e indemnizacións a que houbera lugar.

As cuestións litixiosas xurdidas sobre a interpretación, modificación, efectos e resolución do contrato serán resoltas polo órgano de contratación e os seus acordos porán fin á vía administrativa. Ditos acordos poderán ser recorridos potestativamente en reposición no prazo dun mes perante o mesmo órgano de contratación ou seren impugnados directamente perante a Saa do contencioso-administrativo do Tribunal Superior de Xustiza.

Non se poderá interpoñer recurso contencioso-administrativo ata que fora resolto expresamente ou se producira a desestimación presunta do recurso de reposición interposto.

E para que así conste e en proba de conformidade cas estipulacións do presente contrato e os seus anexos, ámbalas dúas partes asinan o mesmo por triplicado exemplar no lugar e data arriba indicados.

POLO ÓRGANO DE CONTRATACIÓN



POLA ENTIDADE

